

Մամլո հաղորդագրություն

Gebrüder Weiss ընկերությունն ապացուցում է իր կայունությունը ճգնաժամի պայմաններում

Միջազգային բեռնափոխադրող ընկերությունը նախորդ ֆինանսական տարում գրանցել է 1.77 միլիարդ եվրոյի զուտ շրջանառություն / Նշանակալի ձեռքբերումներ թվայնացման, կայուն զարգացման և համաշխարհային ներկայացուցչական ցանցի ընդլայնման համար

Ք. Լաուտերախ, 16-ը մարտի, 2021թ. Միջազգային բեռնափոխադրումներ և լոգիստիկ ծառայություններ իրականացնող Gebrüder Weiss ընկերությունը 2020 ֆինանսական տարում ունեցել է 1.77 միլիարդ եվրոյի զուտ շրջանառություն: Դա նշանակում է շրջանառության ավելացում 3.7 տոկոսով նախորդ տարվա համեմատ (2019թ. զուտ շրջանառությունը կազմել է 1.71 միլիարդ եվրո): Այսպիսով, ընկերությունը շարունակում է նախորդ տարիներին գրանցած աճը: «Դրական զարգացման համար որոշիչ էր նաև այն, որ կորոնավիրուսային ճգնաժամի ընթացքում մեր բոլոր մասնաճյուղերը շարունակեցին մնալ ճկուն և պահպանեցին աշխատանքային բնականոն ռեժիմը: Չնայած արտակարգ դրության շարունակական սահմանափակումներին և բեռնափոխադրումների ոլորտի համաշխարհային պասիվությանը՝ մենք միշտ կարողացել ենք մեր պատվիրատուների պահանջներին համապատասխան լուծումներ առաջարկել: Մեր աշխատակիցները ծանր պայմաններում ցուցաբերել են գերազանց աշխատանք», - նշում է Gebrüder Weiss ընկերության գործադիր խորհրդի նախագահ Վոլֆրամ Չենգեր-Վայսը:

Լավագույնը երկու աշխարհներից. թվայնացման ռազմավարությունն ապացուցում է իր շահավետությունը

Ընկերությունը 2020 թվականին շարունակական թվայնացման գործընթացի հիմնաքարը դրեց՝ ստեղծելով myGW պատվիրատուների նոր հարթակը: Առցանց հարթակը թույլ է տալիս պարզ, արագ և ուղիղ եղանակով օգտվել Gebrüder Weiss ընկերության բոլոր ծառայություններից, ինչպես նաև հստակ տեղեկություն ստանալ բեռների գտնվելու վայրի և ժամանման ժամկետների վերաբերյալ: «Լավագույնը երկու աշխարհներից» այսպես ենք անվանել թվայնացման մեր ռազմավարությունը, այսինքն՝ ֆիզիկական և թվային հնարավորությունների համակցումը, ինչն էլ հենց այս ճգնաժամի ընթացքում

հաջողությամբ ապացուցեց իր շահավետությունը: Մենք կարողացանք ցույց տալ, որ որպես լոգիստիկ ծառայությունների գործընկեր մենք նույնքան հուսալի ենք, որքան նորարարական: Պատվիրատուների դրական արձագանքը վերահաստատեց մեր ռազմավարական ճիշտ ուղղվածությունը», - ասել է Վոլֆրամ Չենգեր-Վայսը: Պատվիրատուների հարթակը ներկայումս գործում է Ավստրիայում, Գերմանիայում, Շվեյցարիայում, Չեխիայում, Հունգարիայում և Սլովակիայում: Այս տարի պլանավորվում է այն ներդնել նաև այլ երկրներում:

Համաշխարհային ներկայացուցչական ցանցի ընդլայնում

2020 թվականին Gebrüder Weiss ընկերությունը շարունակել է համաշխարհային ընդլայնման իր ռազմավարությունը օդային և ծովային բեռնափոխադրումների բնագավառներում. Gebrüder Weiss ընկերությունը ավելացրել է իր ներկայացուցչական գրասենյակները Գերմանիայում և մուտք է գործել Լեհաստանի, Հարավային Կորեայի, Մալայզիայի, Ավստրալիայի և Նոր Չելանդիայի շուկաներ: «Ճանապարհորդելու սահմանափակումների պատճառով նոր մասնաճյուղերի բացումը գրեթե բոլոր տեղերում իրականացրել ենք հեռավար կարգով: Դա մի առանձնահատուկ մարտահրավեր էր համապատասխան թիմերի համար, որը նրանք կարողացան հաջողությամբ հաղթահարել հաղորդակցման թվային գործիքների օգնությամբ», - ասում է Չենգեր-Վայսը: Այսպիսով՝ միջազգային ցանցը ներառում է 7400 աշխատակից (լրիվ դրույքով աշխատողներ) աշխարհի 35 երկրի 170 մասնաճյուղերում: Մասնաճյուղերի բացման և SS ենթակառուցվածքի ներդրման, ինչպես նաև այլ ընկերությունների ձեռքբերման նպատակով կատարված ներդրումների ընդհանուր ծավալը կազմել է ավելի քան 70 միլիոն եվրո: Սեփական կապիտալի գործակիցը շարունակում է մնալ կայուն՝ 60 տոկոսից բարձր, ինչը կարևոր հիմք է ստեղծում ընկերության՝ ճգնաժամին դիմակայելու և ծանր պայմաններում հետագա զարգացման համար:

Կայուն զարգացման տեսլականը. CO₂ արտանետումների կրճատումը մինչև 2030 թվականը

Gebrüder Weiss ընկերությունը իր ռազմավարության մեջ հստակ սահմանում է նաև կայուն զարգացման նպատակները. CO₂ արտանետումները տարեկան պետք է կրճատվեն տասը տոկոսով, և մինչև 2030 թվականը ընկերությունը նպատակ ունի վերացնել CO₂ արտանետումները: Այդ նպատակին հասնելու համար նախատեսվում է սեփական լոգիստիկ տերմինալներում ավելի շատ ֆոտովոլտային արևային համակարգեր, ինչպես նաև այլընտրանքային, օրինակ, էլեկտրական, գազային կամ ջրածնային շարժիչով բեռնատարներ օգտագործել:

Նախորդ տարվանից սկսած Gebrüder Weiss ընկերությունը իրականացնում է կլիմայի պաշտպանության հավաստագրված ծրագրեր, որոնցով իր պատվիրատուներին առաջարկում է արտանետումների փոխահատուցման հնարավորություն:

Նախորդ տարվա տնտեսության անկայուն վիճակն արտացոլվում է ընկերության առանձին բաժինների գործունեության մեջ. սահմանափակումների և որոշ պատվիրատուների ձեռնարկությունների փակման պատճառով հատկապես երկրորդ եռամսյակում ցամաքային բեռնափոխադրումների և լոգիստիկ ծառայությունների վաճառքը 4.3 տոկոսի անկում է գրանցել՝ հասնելով 1.10 միլիարդ եվրոյի (2019թ. շրջանառությունը կազմել է 1.15 միլիարդ եվրո): Առցանց առևտրի պահանջարկի մեծացման արդյունքում տնային առաքումների ոլորտում գրանցվել է 29 տոկոսի աճ (2020 թվականին իրականացվել է 1.37 միլիոն առաքում): Այս ոլորտում Gebrüder Weiss ընկերությունը շուկայի առաջատարն է Ավստրիայում և Արևելյան Եվրոպայի մի շարք երկրներում: Օդային և ծովային բեռնափոխադրումները գրանցել են 23.7 տոկոս աճ՝ հասնելով 470 միլիոն եվրոյի (2019թ. շրջանառությունը կազմել է 380 միլիոն եվրո): Գործունեության ընդլայնմանը, հատկապես օդային բեռնափոխադրումների ծավալի ավելացմանը զուգահեռ, դրական ազդեցություն ունեցավ Ipsen Logistics ընկերության ձեռքբերումը: Չնայած բարդ մարտահրավերներին՝ DPD Austria ընկերությունը, որի բաժնետեր է Gebrüder Weiss ծանրոցների առաքման ընկերությունը (GWP), իրականացրել է ավելի քան 57 միլիոն ծանրոցի առաքում: Դա հավասարազոր է ավելի քան տասը տոկոս աճի, որը հաջողությամբ կարողացանք իրականացնել կորոնավիրուսային ճգնաժամի պայմաններում:



Նկարագիր՝ Gebrüder Weiss ընկերության տնօրինության կազմ (ձախից). Յուրգեն Բաուեր, Փեթեր Զլոյբեր, Վոլֆրամ Չենգեր-Վալս (նախագահ) և Լոթար Թոմա (աղբյուր՝ Gebrüder Weiss / Gnaudschun / փետրվար, 2020թ.):



Նկարագիր՝ Վոլֆրամ Չենգեր-Վայս, Gebrüder Weiss ընկերության գործադիր խորհրդի նախագահ (աղբյուր՝ Gebrüder Weiss / Gnaudschun):



Նկարագիր՝ Նախորդ ֆինանսական տարում լոգիստիկ ընկերության զուտ շրջանառությունը նախնական կազմել է 1.77 միլիարդ եվրո (աղբյուր՝ Gebrüder Weiss):

Gebrüder Weiss ընկերության մասին

Ավելի քան 7400 աշխատակից, 170 սեփական գրասենյակ և 1.77 միլիարդ եվրոյի (2020 թ.) տարեկան շրջանառություն՝ Գեբրուդեր Վայս ընկերությունը հանդիսանում է բեռնափոխադրումների և լոգիստիկ ծառայություններ մատուցող Եվրոպայի առաջատար ընկերությունների թվին: Gebrüder Weiss Holding AG բաժնետիրական ընկերությունը, որի գլխամասային գրասենյակը գտնվում է Լաուբերախում (Ֆորարլբերգ, Ավստրիա), հիմնական ուղղություններից՝ ցամաքային, օդային և ծովային բեռնափոխադրումներ, ինչպես նաև լոգիստիկ ծառայություններից բացի զուգահեռ իր հովանու ներքո խմբավորում է նաև տարբեր դուստր ձեռնարկությունների՝ առաջարկելով մի շարք հատուկ մասնագիտացված լուծումներ, այդ թվում՝ x|vise լոգիստիկ խորհրդատվական ծառայությունը, tectraxx-ը (ոլորտային մասնագիտական ծառայություններ բարձր տեխնոլոգիաների ոլորտի ընկերությունների համար), dicall-ը (հեռախոսային ծառայություն, խորհրդատվություն, հեռուստամարքեթինգ), Railcargo (երկաթուղային փոխադրումներ), ինչպես նաև Գեբրուդեր Վայս ընկերության ծանրոցային առաքումներն ու բաժնեմասնակցությունը ավստրիական DPD ընկերությանը: Սա թույլ է տալիս մեզ արագ ու ճկուն կերպով արձագանքել հաճախորդների կարիքներին: Բնապահպանական, տնտեսական ու սոցիալական իր բազմաթիվ միջոցառումների շնորհիվ բեռնափոխադրումների ոլորտում ավելի քան 500 տարվա պատմություն ունեցող ընտանեկան այս ձեռնարկությունն այսօր համարվում է նաև առաջատար կայուն և շարունակական զարգացող բիզնես-գործունեություն ծավալելու առումով:

Յետադարձ կապ

Gebrüder Weiss ընկերության կորպորատիվ հաղորդակցությունների բաժին
press@gw-world.com
 Բունդեսշտրասե 110, Լաուտերախ A-6923

☎. ` +43.5574.696.2169

☎. ` +43.5.9006.2173

www.gw-world.com

www.gw-world.com/news